

F 24  
1887



# თეატრი

საყოველ-კვირად სალიტერატუროდ და სამხატვრო გაზეთი

1887 წელსა

№ 11

აკრილის 5.

გაზეთი ღირს: ერთის წლ. 5 მ., ნახ. წლ. 3 მ., ცალკე ნომ. 15 კ. ხელის მოწერა მიიღება: თბილისში რედაქ. კანტორაში. ფოთში ბესარ. კალანდაძესთან. ადრესი გარეშე მცხოვრებთათვის: ТИФ-ЛИСЬ, ВЪ РЕДАКЦІЮ ГАЗЕТЫ „ТЕАТРЪ.“ გაზეთი ისყიდება: თბილისში ჩარკვიანის წიგნის მაღაზიაში; ხიდის ყურთან: ალიხანოვის პაპაროვის მაღაზიაში. ქუთაისში: ჭილაძეთ წიგნის მაღაზიაში და ბათუმში პარიკ-მახერ არსენასთან.

საგაზეთოდ დანიშნული წერილები (კორრესპონდენცია) გარკვევით უნდა იყოს დაწერილი. თუ საჭიროება მოითხოვს წერილებს რედაქცია შეასწორებს. რედაქცია არა კისრულობს წერილების უკან გაგზავნას და მათ შესახებ მიწერ-მოწერას.

ყოველ წერილში უნდა იყოს მოხსენებული: სახელი, გვარი და საცხოვრებელი ადგილი დამწერისა.

სსვა-და-სსვა მასწებიდგან გვთხოვენ გარდაცვალებული ზოეტი იოსებ დავითაძევილის სურათს.

რადგანაც ამ სურათის მოპოების მსურველნი ბევრნი არიან და სურათები კი ცოტა დარჩა, ამასათვის ვთხოვთ შეკვატეობინონ, არა უკვირანეს აპრილისათვისა, ვის რამდენი სურათი ჰქსურს, რადგანაც ამ აღნიშნულ ვადაზე „თეატრის“ რედაქცია დააბეჭდინებს იმდენს სურათს, რამდენის სურვილიც იქნება ზემოხსენებულ დრომდის გამოცხადებული.





„თეატრი“-ს რედაქციას აქვს წარსული წლების №№ და მათთან გამოსული სურათები: ორბელიანისა, მესხისა, ალექსანდრე ჭავჭავაძისი, ილია ჭავჭავაძისი, აკაკისა, შოთა რუსთაველისა, მოლიერისა, შექსპირისა, ოსტროვსკისა და სხვა; აგრეთვე იოსებ დავითაშვილისა და რაფ. ერისთავისა.

1885 წლის №№	თავის სურათებით	ღირს.	3 მან.
1886 „ „ „ „ „ „			4 „
ორივე წლისა ერთად	„ „ „ „		6 „
თითო სურათი, საუკეთესო ქაღალდზე დაბეჭდილი, ღირს „	„ „ „ „		30 კ.
ცოცხა მდარე ქაღალდზე	„ „ „ „		20 „

შინც ისურვებს ფულის გამოგზავნას, მანეთზე ნაკლები შეუძლიან ფოსტის „მარკებით გამოგზავნოს.

როგორც წარსული წლების №№-ბის, აგრეთვე სურათების გამოსაწერად გთხოვთ ჰირ-და-ჰირ რედაქციას მოჰმართოთ, შემდეგი ადრესით:

**Г. Тифлисъ. Въ Редакцію газеты „ТЕАТРЪ“.**

ამავე ადრესით მიიღება გაზეთზე ხელის მოწერა ამ 1887 წ.

თბილისში მცხოვრებთათვის ადრესი: „თეატრი“-ს კანტორა. (ოქრომჭედლების ქუჩა, ბარისოვის სახლები, № 48).





## ა ღ ღ გ ე მ ა

აღსდგა ქრისტე, ძმაო ნიკო!  
 ჩვენთვის ჯვარ-ცმულ მაცხოვარი;  
 ჯოჯოხეთი ვინც რომ სთურგუნა—  
 სამოთხისა გვიღო კარი.

ქრისტე აღსდგა—ჭეშმარიტად;  
 კოლეგოთაზე წამებული  
 სიძარტლის ღაღადებისთვის  
 უწმუნოდგან ბრალდებული.

ბრძათა, კოჭლთა, დაურდომილთა  
 ერთის სიტყვით გამკურვნელი;  
 მკვდრისა ხელის შესებითა,  
 ან ბრძანებით აღმდგენელი.

მან არ იყო ხუთის ჰურით  
 სუთ ათასი კაცია აძლო?  
 მეორეჯერ შვიდი ჰური  
 შვიდ-ათასსა კაცსა აუო?—

მან არ იყო, რომ ღაზარე  
 სიტყვით აღადგინა მკვდარი?!  
 მას ძარტასი და ძარტას  
 უკუუგლო ციუ სამარი?



მაგრამ მაინც ურწმუნოთა  
 ღმერთის გმობა ღმერთს შესწამეს,  
 არ მიიღეს ის შესსიად  
 და სასტიკად მათ აწამეს.

ამ გვარ ცხოვრებით—სიკვდილით  
 ერის ცოდვა კისრად იღვა,  
 და დასძლია მან სატანას,  
 დღეის დღესა ქრისტე აღსდგა.

დღეს ჩვენც გვძარტებს სიხარული:  
 ხედავ ეველას უხარია?  
 ხე ფოთლებით შემოსილა,  
 ბალახებით მთა-ბარია!

ქრისტე აღსდგა, მძაო ნიკო!  
 მო, მიკვლიე წითელ კვერცხი,  
 მხიარულად გარდამოცნე,  
 სევდა მიქრე, ნუკემ მეცო.

ი. სენაკელი.

## წარსული საიდუმლო

### I

ღამეა. საათმა ხელ-ხელა დაჯერა ოთხი. საშინელი წვიმა და  
 ქარიშხალი უფრო და უფრო ძლიერდებოდა, და ამასთანვე ცუდი  
 ტაროსი უფრო საღველს უმატებდა მშვენიერს ქალს, რომელიც და-  
 ყუდებულები ავად-მყოფის ქვეშაგებზედ. მთელი ღამე ისე გაატარ-  
 რა, რომ თვალი არ დაუსუფავს. ექიმმა იმედი გადაწევიტა ამ ავად-  
 მყოფის მოწონებაზედ.





— გერა, მე მიყვარდი შენ, ამოიღულულა სულ-შაგუბებულმა ავად-მყოფმა, რომელსაც გამსმარ ღოყებზედ ჩუს-ჩუსით გადმოსდიოდა ცხარე ცრემლები.

— ნუ სტირი, ჩემო საყვარელო, მე ვზივარ შენ გვერდით და შეკლასა ვთხოვ მარტო ღმერთს, რომელიც არის ყველას მოყარველი.

შატარა ხანს სიხუმე ჩამოვარდა და ისევ ქარიშხლის სტვენს გაისმობდა.

— გერა, ცუდად ვხდები, რის ვაი-ვაკლასით წარმოსთქვა ავად-მყოფმა, გულზე... შემო... მავა... მე ვკვდები... დამილო... ცავს... კო...ლა... ამ სიტყვებით ავადმყოფმა საუკუნოდ დასუჭა თვალები.

ღამის სიხუმეს არღვევდა გულ-საკლავი ტირილი, რომელიც ესმობდა ღოგინში მწოლიარე შატარა ბავშვს.

გავიდა ორი კვირა. გერას ცოტ-ცოტად შეუმსუბუქდა ბოღმა. ერთ დღეს, დილით ადრე, იმ სტოლზე, რომელზედაც წინად მიცვალებული ესვენა, ესლა იჭდა გერა და გაჩქარებული სწერდა წერილს თავის ნათლი-დედასთან, რომელიც სცხოვრებდა ერთი მდიდარი გრაფის მამულში. წერილის პასუხი ჩქარა მიიღო, რომელშიაც ნათლი-დედა ჰპირდებოდა თავის შემწობას — რითაც გი შექმლო. ერთი-ღა აწუსებდა გერას — ბავშვს თან ვერ წაიყვანდა და ვერც თავს ანებებდა. ბევრი ფიქრის შემდეგ, იმან ჩააბარა თავის ძვირფასი შვილი ერთს დედაკაცს და თითონ გი მიჩქროლავდა ორთქლის მატარებლით სხვა ქვეყანაში. რამდენიც მაგონდებოდა რა სიშორესედ იყო ის თავის უძვირფასეს შვილზე, იმდენი თვალებში ცრემლი მოეჩოვდა და გული ამოუჯდებოდა სოფლზე.

## II

გაიარა რამეტმა წელმა... ამოდენა დროში შეიძლებოდა გერას გაეჩარწულებინა დარდები, მაგრამ დიდი სიმწარის ბეჭედი არ გადადიოდა იმის სახიდამ. ის გახდა, ხანში შევიდა, მარტო იმისმა ღურჯმა თვალებმა არ გამოიცვალეს გონიერი გამოძეგველობა. ესლა ის ქმრიანი იყო და ორი შვილიც ჰყვანდა. ესლა ის სულ



სხვა იყო: ის იყო ცოლი გრაფისა, ძალიან ჭკვიანი და კეთილი კაცი. ის სცხორებდა ძალიან მდიდრულად; ქმარს ძალიან უყვარდა.

გრაფმა შეატყუა, რომ იმის ცოლს თავი მოაწყინა სოფელ-მა და მთელი თავის ოჯახით გაემგზავრა მოსკოვისკენ. ვაგონში ბავშვები თავის მამას ჰკითხავდნენ სხვა-და-სხვა საგნებზედ. გერა კი რამდენიც უახლოვდებოდა ქალაქს, იმდენი გული მაგრა უძგერდა და თვალებში ხან-და-ხან მოერეოდა ჩრქვლები. ეს შეამჩნია გრაფმა და ჰკითხა:

— რა მოგდის?

— არაფერი, მეც არ მესმის რისგან, მიუგო გერამ ძალდატანებული ღიმილით.

— ასე მგონია მოწყენილი ხარ? უთხრა კიდე გრაფმა.

— არა... არა, შენ უფრო უგდე... რაღაცას გკითხავს ჰეტია.

გრაფმა უნებურათ მიიხედა შვილისკენ და დაუწყო მას ალერსი. აი მოვიდნენ კიდევ მოსკოვის რკინის გზის სადგურზე. აი დილიყანმა გააქროლა ისინი ერთ უკეთეს სასტუმროსკენ.

### III

რამდენიმე დღის შემდეგ, ერთ მშვენიერ ჭუჩასზედ დაიჭირეს კარგი სახლი. სასტუმრო მდიდრულად და გემოვნურად მოართეს.

— ერთი მოსამსახურე კიდევ უნდა დავიჭიროთ, თორემ ორი ცოტა არის, უთხრა გრაფმა ცოლს, მე „მეკარეს“ დაკავალე და ის დამპირდა.

— ჩემთვისაც საჭიროა ერთი კაცი—უთხრა ქალმა.

რამდენიმე დღის შემდეგ დაიჭირეს ახალგაზდა მოსამსახურე, რომელიც გრაფს ძალიან მოსწონდა. ამ მოსამსახურეს გრაფინია ძალიან დაკვირვებით შინჯავდა ხოლმე. ის იყო სულ ახალგაზდა; იმის რგვალი ზირი, ცოტათი შეწითლებული ღოუები, მოღურჯო თვალები, ქერა თმა წარმოგვიდგენდა „ლაქის“ ტიპს. გრაფინია რაც უფრო ბევრს უყურებდა, იმდენი უფრო რაღაც ღრმა ფიქრს მიუცემოდა ხოლმე; თვითონაც ვერ ახსენა რათ აგონებდა ამ ყმაწვილის შეხედვა მთელს თავის წარსულს ჩხორვებას.



## IV

ერთს ოკტომბრის საღამოსედ გრაფი კლუბში იყო. გერა იჯდა ქმრის „კაბინეტში“ და წიგნს კითხულობდა. რამდენიმე გვერდი რომ წაიკითხა, მოკეცა წიგნი, წამოდგა, ერთი-ორი გაიანჯრა, მივიდა და დარეკა ზარი.

— ნიკოს დაუძახე, უთხრა შემოსულს ბიჭს.

— ბატონი ბძანდებით.

რამდენიმე წამის შემდეგ შემოვიდა ახალგაზდა „ლაქია“, დადგა კარებში და მოწიწებით ელოდა ქალბატონის ბძანებას.

— ლამზას ამოსწი, ჩუმად უბძანა გერამ.

„ლაქია“ მივიდა საწერ სტოლთან, ამოუწია ლამზას და უნდა გაბრუნებულყო, მაგრამ ქალბატონმა შეაყენა.

— ახლო მოდი ნიკო; რამდენი წლისა ხარ?

— ხუთმეტისა, თქვენო ბრწყინვალებაჲ!

— სწავლობდი სადმე?

— საეკლესიო სკოლაში ვსწავლობდი სამი წელიწადი.

— მერე?

— მერე ერთი წელიწადი გავატარე სოფელში და როცა აქ ჩამოველ თქვენ ბრწყინვალებასთან დაუდექ მოჯამაგირეთ.

— განა შენ სოფელელი ხარ? სრულებით არ გეტყობა...

— არა, მე დავიბადე მოსკოვში, ბუბია სოფელში მყავს, ნამდვილი კი არა, ჩემი ძიძის დედა...

— განა შენ ობოლი ხარ?

— დიას, თქვენო ბრწყინვალებაჲ, მე არა ვინ არა მყავს, მე არც დედა მახსოვს და არც მამა.

როცა „ლაქია“ ამას ლაპარაკობდა, გრაფინიას უფრო და უფრო დაკვირვებით უყურებდა მას და რაღაც ახლო ნათესავივით ეჩვენებოდა.

— მაშ შენ სულ პატარა ჰყოფილხარ, როცა დედ-მამა დაგსოცია?

— როგორც მეუბნებიან მამა მამკვდომია, დედა კი გამქცევია; იმისთანა ცუდ მდგომარეობაში ვარ, თქვენო ბრწყინვალებაჲ, რომ მერჩივნა არ დავბადებულყო, მაგრამ... ღმერთმა განსაჯოს ის, თავ-ჩაკიდული ლაპარაკობდა ნიკო.



გრაფინიას ძლივს-ღა სუნთქავდა და ნერვების თრთოლა მოუვიდა.

— მაშ შენ არა გახსოვს რა?

— როგორ, თქვენო ბრწყინვალეობავ?

— არა დაგრჩენია რა დედიშენის სახსოვრად?

— ერთი ჰატარა სატი მაქვს დედისგან დაწმინდილი.

ამ სიტყვებზედ გრაფინიას ფეხზე წამოდგა.

— ახა სადა გაქვს?— ჰკითხა გრაფინიამ.

— ჩემ ოთახში მივიდია.

— გაიქე, ამ წამს აქ მოიტა.

ნიკოს არა ესმოდა რა. რამდენიმე წამის შემდეგ შემოიტანა სატი და გარდასცა გრაფის ცოლს.

ამან ხელების კანკალით გამოართო ღვთის-მშობლის სატი; ცოტა ხნის შემდეგ მივიდა ნიკოსთან, ხელი დაადო მხარზედ და უთხრა:

— შენ ამტყუნებ შენს დედას, ღმერთს იწვევ მსჯელად, მაგრამ რომ ნახო განა არ აზატე?

ნიკო გაქვავებულივით იდგა.

— ხმა ამოიღე, ეუბნებოდა ტკბილის სმით გრაფის ცოლი

— სად არის! სად არის დედა ჩემი? ხელ-ხელა წარმოსთქე ნიკომ. სად არის ჩემი საყვარელი მშობელი დედა?!

— კოლა, ჩემო საყვარელო! აქა ვარ შენთან, დედა შენი... მა ჰატე!.. მარტო ცხარე ცრემლები იყვანე მოწმად იმათი სისარულისა.

ჩქარა, ამის შემდეგ, გრაფი მობრუნდა: ის გაოცებული იყო, ამით, მაგრამ გერამ აღარ დააკვირანა საიდუმლოს გამოაშკარავება. გრაფი მთელი ღამე ამაზედ ფიქრობდა და მეორეს დღეს კი გამოუცხადა ცოლს:

— გერა, დიდხანს გაცდევინე, მაგრამ შენ თითონ იცი რა ძნელი კითხვა იყო ეგ ჩემთვის. გადავწყვიტე...

გრაფინიას შეკრთა და სულ სმენათ გადაიქცა. ის მოკლად საუბედურო ამბავს, მაგრამ რილასიც იმედიც ჰქონდა.

გადავწყვიტე, — განაგრძო გრაფმა, — გიცხადებ, რომ წმიდ დედობრივი გრძნობა ჩიება ხელ-უსლესელი, იმისათვის, რომ მე



ნ მიუვარსარ. მე შენ გსედავ ჩემი შვილების კეთილ-დედათ; იზ-  
ენე ეგრეთვე შენი შვილის ბედნიერებაზედ.

გერა დაეცა მუხლებზე და უნდოდა ქმრისთვის ხელზედ ეკო-  
ცნა, მაგრამ მან საჩქაროდ წამოაყენა, მოჭხვია ხელები და... ჩაიკრა  
ტულში.

—შ—ვი.

ლ ა ლ ა \*)

წიგნი ივითსე ჰაწიაუ  
გირჩევ მშობელი ღაღაო,  
ეცადე სწავლით გაიცნო  
ქვეუნი სარჯი და ღაღაო.

შენ ჩემო დამტირებელი  
ჰატარა აღმასხანაო;  
კიუვარდეს დედა მშობელი  
და მისი ტკბილი ნანაო.

არ დამივიწყო მშობელი  
ვიდრე ვარ ქვეუნი ჰირადო,  
მოვკვდე და საფლავს მდებარეც  
მინახულევი ხშირადო.

ი. მ.



რად არის ბენეფისი \*).

ინტერმედია - დიკრტისმენტი, მიხაკვა დრ. სოლოგუბისა

ფარდა რომ აიხდება, მთელი ტრუპვა სტენაზე:  
ერთ მხრივ ქალები, მეორე მხრივ კაცები. შუაში ახა-  
შიძე სდგას.

ა ბ ა შ ი ძ ე. მოწყალენო ხელმწიფენო!.. მაგრამ არა...  
„მოწყალეო ხელმწიფეო“, მოდაში აღარ არის — „დროებამ“  
„ბატონობა“ გაახლაა. მაშასადამე, „ბატონებო“ და თქვენ და-  
უდგრომელნო ქალბატონებო!.. ბთხოვთ მიიღოთ, ჩემი ულ-  
რმესი გულითადი მადლობა ამაღამდელ შრომისათვის! მად-  
ლობთ, რომ შეეწივენით თქვენ უღირსს და საცოდავს ამხა-  
ნავს, და მიიღეთ მის ბენეფისში მონაწილეობა. ძალიან კე-  
თილი საქმე ჰქენით ამიტომ, რომ ბენეფისი... მაგრამ,  
ბატონებო, იცით რა არის ბენეფისი?.. თქვენ, რასაკურ-  
ველია იცით, ძალიან კარგათაც იცით... მგონი რომ ამათ...  
(პუბლიკაზედ უჩვენებს) კარგათ არ იციან; და ამ სა-  
განზედ, მგონია, არცკი დაფიქრებულან. — ბენეფისი, თქვენ  
ხართ ჩემი ბატონი, აკტორისათვის ის არის, რაც თქვენთვის  
კარგი მოსავალი სოფელში, კარგი ჩოველი, კარგი დოლი,  
კარგი მეოთხედი და ზოგიერთებისათვის კარგი მოგება ვაჭ-  
რობაში! აკტორის ჯამაგირი-ლუკმა პურში, ერთ ბნელ ოთახ-  
ში, შეშაში, ნახშირში, ხორცში და სანთელში მიდის... ესე  
იგი, რაც კი კაცს ეჭირვება საცხოვრებლად; თორემ უამი-  
სოთ, თქვენი მტერი ჩვენ საქმე მოგვივიდოდა... სიმღერის  
მაგიერათ ამ სცენაზედ მგლისავეით ზმუილს დავიწყებდით!..  
მაგრამ, წრეულს ამ დიდმარხვაში კინალამ ეს საქმეც დაგვე-  
მართა... კიდე ღმერთმა უშველოს, ჩვენ დრამატიულ-საზო-  
გადობას... ოჰ! მს საზოგადოება რომ არ ყოფილიყო... თქვე-

\*) დაწერილია თ. დ. ერისთავისაგან არტისტი ვ. აბშიძის ბენეფისი-  
სათვის 1881 წ.



ნი მტერი ერთმანეთს დაეჭამდით! აქამდისინ თუმცა ამბობდნენ, რომ აქტორები ერთმანეთსა სჭამენო, მაგრამ ამ აზრს ფიგურალური მნაშენელობა ჰქონდა, და კინალამ რეალური მნიშვნელობა მიეცა... ამბობდნენ კიდევცა, რომ რამდენიმე აქტორმაო, ბულვარზედ, მშიერ მგლებივით, კინალამ ერთი მოხუცებული კაცი დაგლიჯესო!.. მახლას: ეხლა ისეთი დროა, რომ ყველა დაიჯერება... ჰო! იმას მოგახსენებდით, ჯამაგირი სულ დღიურ ცხოვრებას უნდება... მაგრამ ჩვენც ადამიანები გახლავართ, ჩვენც სული გვიდგას, ჩვენც გვინდა პატარა სიამოვნება! ჭეიფის გაწევა, მუშტაიღში სეირნობა, შენიგთან მსხლის წყალის დაღვევა, ხან და ხან მაზედ ქახურის დამატება—ეს სულ ერთის სიტყვით გამოიხატება... ბენეფის-ს-ში! ბენეფისში გამოიხატება ყოველი ჩვენი სურვილი, კარგი ფრაკი გულავერდიანცთან, კარგი ჩერკესკა თათუხას შეკერილი, ცოლისთვის კაბა, მანტილია, შეილისთვის არახჩინი... მაგრამ ეს კი ჩემს მეტს არავის შეეხება. ჩემს მეტი არავენ გაბრიყვებულა აქტორებში და ცოლი არ შეურთამს... მახლას!.. (ამოიოხრამს) რაც მოხდა, მოხდა... ერთი სიტყვით ყველა ბენეფისზეა დამოკიდებული! მაშასადამე აქტიორი მთელი წელიწადი იმასა ჰფიქრობს, თუ კარგი ბენეფისი გამართოს და პუბლიკა დააკმაყოფილოს. აბა, გაჭირება მაშინ არის, ბატონებო! ხომ კარგათ მოგეხსენებათ რა მდგომარეობაშია ახის ჩვენი დრამატული ლიტერატურა! პირველი ესა, რომ არა არის რა სათამაშო, და მეორე ესა, რომ არავენ არის მოთამაშე! მოდი და ამოიჩიე ჩვენ რეპერტუარში ხეირიანი პიესა!.. გადაჰქექ-გადმოჰქექ და ვერას იპოვნე... ან ისეთი უაზრო პიესებია, რომ მათი ყურება კაცს შეაწუხებს, ან ისეთი ძველია, რომ ყველამ ზეპირათ იცის! მართალია შეიძლება კარგი პიესების ამოჩიევა უცხო რეპერტუარში, მაგალითად: შეკსპირის, მოლიერის, შილლერის და სხვა ღენიოსების თხზულება... მაგრამ თქვენვე გკითხაეთ, ვინ ითამაშებს ამ პიესებს? მართი „მეფე ლირი“ გვაქს გადმოთარგმნიდა, მისი მთარგმელი მგონია, რვა წელიწადია ემზადება მის წარმოდგენას, მაგრამ როგორღაც ვერა ხერხდება... ჩვენ ყვე-



ლანი ვოდვეილების აკტორები გახლავართ!.. კომიკები! მაგალითად, მე კომიკი გახლავართ... ჩემი ამხანაგებიც კომიკები გახლავან! ისე, ფაცაფუციტა ეთამაშობთ (უჩვენებს სუფლიორზედ) ამ ბატონის წყალობით. შარშან არ იყო, რაღაც ეშმაკად „ყომარბაზის ცხოვრება“ წარმოვადგინეთ... ისეთი დრამმა გამოვიდა, რომ კინალამ ფერდების ანთება მოუვიდათ მაყურებლებს... სიცილისაგან! მართის სიტყვით სათამაშო არა არის რა, მოთამაშენნი არ არიან!. ძეთილი, მაგრამ ცხოვრება რომ გვინდა??. ჩვენც კარგათ ვიცით „საზიზღარ მეტალის“ ფასი... ჰფიქრობს, ჰფიქრობს ბენეფიციანტი... და მიჰმართამს ჩვენს მწერლებს... მიხვალ რაფიელ ერისთავთან, დაელრიჯები, ერთი პიესა დამიწერეო ან გადამიკეთეო!. მაგრამ დალოცვილს, როგორც პოეტს, თუ გული არ მიუღის, ხელს არ ახლებს პიესას. ათასი პიესა რომ მიუტანო, ერთი არ მოეწონება... ჩვენ ცხოვრებას არ მოუხდებო. მერე გინა მიხვიდე ივანე მაჩაბელთან... მაგრამ ბატონი მაჩაბელი, როგორც ჩვენი პატივცემული ადმინისტრატორი ადამ ჩუბინოვი ამბობს, აკტორების „ბუნტის“ შემდეგ, როგორღაც გულ გრილად გვიყურებს; მიხვალ ღვეით მრისთავთან პიესას რომ გაუხსენებ, მაშინვე გაშლის ხელებს და დაიყვირებს—რა დროს პიესებია, ვერა ხედავ ამ ტელეგრამებმა ლამის დამადნოსო, რა თქვენი მცხელო... აკაკი წერეთელთან რაღა პირით მიხვალ! ბოლოს აიღებ ქუდსა და გასწევ ანჩხატის უბნელთან. მიხვალ დაუკაკუნებ ძველებურად ალყაფის კარებს... ახვალ ბალკონზედ... შესჩივლებ შენ მდგმორიარობას... ერთი მიშველლე რამეო, ბატონ პეტრეო!.. „რაო?? პიესა დაგიწეროო??.. ჯერ ერთი მითხარი ჯამაგირი რა გაქსო?.. ეტყვი თვეში ექვსი თუმანი მაქვსო... „ახლა მაგდენ ჯამაგირს რომ იღებ, ცოტას ვერ გადასდებო, რომ წიგნი დაბეჭდო რამეო??.. ფიე! იტყვი გუნებაში: რას ამბობს ეს კაცი, რა დროს წიგნის ბეჭედაა!.. არა, ბატონო პეტრე, მაგ ლაპარაკს თავი დავანებოთ... ერთი თუ შეიძლება ჩემ ბენეფისისათვის პიესა დამიწერეთ... —„პიესაო?... შარშან არ იყო დაგიწერეთ, მაგრამ რა გამოვიდა? არაფერი!.. თქვენ, შეი-



ლებო, უკაცრავა მოხსენებაა, მალჩიშკები ბძანდებითო: ორი სიტყვა ვერ დაგისწავლებიათ ზეპირათაო... შენ არ იყავი, რომ ჩემ პიესაში „შუქის“ მაგიერ „ბუქს“ ამბობდიო?.. განა ღირსნი ხართო, რომ თქვენთვის კაცმა იშრომოსო?.. აი, თქხუთმეტი წელიწადია, თავში ერთი პიესის პლანი მაქვსო... ის დრო უნდა წარმოვადგინოო, როდესაც ქვეყანა ჯერ არ დაარსებულყოო! მერე ვინ ითამაშებსო? თქვენ, შეილო, პამპულაობის მეტი არა იცით რაო!.. გინდაო განა რომ მეორეთ „შალანგაში“ დამხატონო?.. გირჩევ ბენეფისის მაგიერ „პრსენას“ ლექსი გამოსცეო!.. წამოხვალ აქედგანაც ხელ ცარიელი.-მერე იფიქრებ, იფიქრებ, და გადაწყვეტ შენვე რაიმე პიესის გადმოთარგმნას.-მთქვათ პიესა ვიშოვნეთ; ახლა აფიშის შედგენაა ჭირი! შველას უნდა ასიამოვნო: პარტერს უყვარს სასაცილო რამ, მახვილ გონიერი, გადაკვრით ლაპარაკი, კალამბურებით... ლოქებში ქალები სხედან, ამათ მოსწონთ ნარნარი სიყვარულის გამოცხადება, და პლატონიური გრძნობა... ზევითა მხარეს, ხომ უკინტოოთ არა მოსწონს რა—უთუოთ უნდა მრთაქალის ბალებში ქეიფი წარმოუდგინოთ!.. ხანში შესულ კაცებს ინტრიგა მოსწონთ; ახალ გაზღებს ლეკურის თამაშობა, რადგანაც ლამაზ ფეხებს რომ დაინახვენ თავში გაუჯდებათ ხოლმე!.. მოდი და ესენი ყველა ერთად დააკმაყოფილე! ბოლოს როგორც იქნება შეადგენ აფიშას... მოახლოვდება ბენეფისის დღე. ჩასდებ კანვერტში ბილეთებს, დაუჭერ პდამ ჩუბინოვს ფაეტონს (მაგრამ უფრო ხშირათ ფეხით დადის ხოლმე ჩვენი პდამა) და გაგზავნი ბილეთების დასარიგებლად. მნახოთ რომ დაბრუნდება!.. ერთ აყალ-მაყალ დაიწყებს, ეს რა მიყავითო, თქვენი გულისათვის რამდენჯერ გამლანძღვსო!.. „რის ბილეთები, რა ბილეთებიო?.. საიდამაც მოგიტანია ისევ იქ წაიღეო; ბევრმა მითხრაო: თუ წასვლა გვინდაო, ჩვენვე გამოვგზავნით ბილეთების ასაღებათაო... ეჰ გათენდა ბენეფისის დღეც! მაგრამ, ისეთი დღე თქვენ მტერს გასთენებია!.. მოღრუბლული და წვიმიანი!.. აბა ამისთანა ტალახში ვინ გამოვს კარზედ?.. თუმცა ქალაქის სამმართველომ ახალი მაში-



ნა მოიტანა პარიჟიდგან ქუჩების გასაწმენდი, მაგრამ ი და-  
ლოცვილი უფრო ატალახებს!.. დაიღუპა კაკალი კაცი, რო-  
გორც იმერლები ამბობენ! ჩაგეშალა მთელი წლის იმედი!..  
ჩილას გულავერდიანცის ფრაკი, ჩის მუშტაიდი, ჩის ძახუ-  
რი—წავიდა ეს სუყველაფერი, განჰქრა, ვით სიზმარი! მოდი  
და ცარიელი სკამები გააცინე, როდესაც ჯიბეში თავგები გი-  
თამაშებენ!.. მერე ყველა ამას დაატანე, ჩვენი კულისების  
უსიამოვნება, ჭორიკანაობა, შური... მაგრამ, ეჰ ისა სჯობიან,  
როგორც რუსები ამბობენ, ნაგავი ისევ შინ დარჩეს!.. მე  
ყველა ამას, საზოგადოთ მოგახსენებთ! თვითონ მე, როგორც  
ხედამთ, ვერ ვიჩივლებ თქვენ უყურადღებობაზედ.—მე უღირ-  
სად დამაჯილდოეთ თქვენის მობძანებით. მაგრამ კმაყოფი-  
ლი დარჩით თუ არა—არ ვიცი!..

### ნ ა რ ე ვ ი.

გლეხი და კეჭილი. გლეხი მოვიდა „ადვოკატთან“, თა-  
ვის საქმე აუხსნა და ჰკითხა:

— შეიძლება ამ საქმის მოგება, თუ არა?

— ძნელი კია, მაგრამ მე იმედი მაქვს რომ მოვიგებო.

გლეხი გაურვიგდა, გასამრჯელო ფული მისცა, და უთხრა:  
ვიცი რომ ჩემი საქმე ძნელი მოსაგებია, მაგრამ გთხოვთ თქვენი  
ხელის შესაფერად მოიქცეთ?

— კარგი, მაშ ვერც შენს წამხდარ საქმეს ვუშველი და ვერც  
ამ ფულს დაგიბრუნებ-მშვიდად მიუგო კეჭილმა.

\*  
\*  
\*

სასტუმროში ორი კაცი ზის, ერთს მათგანს გაზეთი უჭი-  
რავს ხელში:

— შეხე, შეხე, ი ტიულ ამერიკაში თურმე რა სისწრაფით  
დაიარებიან მატარებლები: თურმე საათში 60 კერსს გაბიან.

— ეგ რა გაგკვირვებია! ჩვენში უფრო სწრაფად არ დაფრი-  
ნავს—ფეხს შესდგამ თუ არა, თვალის დასამსამებასაც ვერ მოას-  
წრებ, რომ საიქიოს ამოგაყოფინებს თავსა.



\* \* \*

საკაცელი ჩვეულება. ერთი ბატონი, ჩვეულებისამებრ მივიდა აღდგომა დღეს მეორესთან მისალმოდ და აჩქარებით დაუწყო ზარს რეკვა.

- გასილი ივანიჩი შინ არ არის?
- შინ გახლავსთ, მობრძანდით.
- ჭო, შინ არის, მაგრამ იქნება სტუმრებს არ იღებს?
- როგორ არა, მობრძანდით!..
- ფუ, დასწყევლოს...
- რა ბძანეთ?
- არაფერი, „ძლიერ სასიამოვნოა მეთქი!“

### კერძო ბანახალხიანი.

პატივი მაქვს ვაუწყო ტფილისის საზოგადოებას, რომ აღდგომის მეორე დღიდან ლუდის სასმელს, როტონდაში „ტრამპანი“, რომელიც ეკუთვნის აზნაურს ნ. პ. ლორთქიფანიძეს, დიწყობა საზაფხულო სეზონი საერო გართობისა და დროს გატარებისა. როტონდაში ყოველ-დღე ნაშუადღევს 4 საათიდან საღამოს 11 საათამდე სრული ხორო (38 კაცი) სამხედრო მუსიკისა კაპელმეისტერის ბ. ნ. გლამაჩის ლობარობით გაჰმართავს კონცერტებს და დაუკრავს აწინდელს საუკეთესო პიესებს.

### როტონდაში უზასოდ არის უმსვლა

როგორც როტონდა, ისე ბაქანი ერთი-ორად არის ეხლა გადიდებული. აქ განსაკუთრებულ კონცერტების და საესეირნობის დროს გამართული იქნება ცალკე ადგილები ნოლოდ განათლებულის საზოგადოებისათვის მცირე ფასად. ლუდის საწყობი ათჯერ მეტად არის გადიდებული, ვიდრე შარშან იყო და ამ ჟამად ზაფხულისათვის დამზადებულია დიდ-ძალი ლუდი მშვენიერის თვისებისა, როგორც ბავარი-



ისა, ისეც შავი ლუდი. შინც ლუდის შეტყობა იცის და მოყვარულია ამ სასმელისა, ვსთხოვთ მობრძანდეს, უფასოდ მიირთვას და გასინჯოს ჭაშნიკი. აღდგომის მესამე კვირიდგან ოთხშაბათობით გაიმართება ხოლმე განსაკუთრებული გასართობი და შესაქცევარი ჯამბაზებითა, შუშხუნებით, ჰაეროსტატებით და სხვა-და-სხვა გვარის სალხინო სანახავეებითა. შევლა ეს გაიმართება ცალკე პროგრამითა და გამოცხადდება თაე-თავის დროზე, როგორც აფიშებში, ისე ყველა აქაურს გაზეთებში. როტონდაში ყოველთვის არის ცივი საჭმელები და დასანაყრებელი სანოვაგე, აგრეთვე გასაგრილებელი შუშხუნა წყლები, ხმელი ხილი, ტკბილი შაქრის პურები და პაპიროსები.

როტონდის გამგებელი  
 ი. ბაქრაძე

Принимается подписка на 1886-1887 г.

(ИЗДАНІЯ ГОДЪ ТРЕТІЙ)

## ЕДИНСТВЕННАЯ-ЕЖЕДНЕВНАЯ

ТЕАТРАЛЬНАЯ ГАЗЕТА

4 <sup>ВЪ ГОДЪ</sup> РУБ. „ТЕАТРЪ И ЖИЗНЬ“ 3 <sup>ПОЛГОДА</sup> РУБ.

Въ газетѣ помѣщаются всѣ свѣдѣнія о всѣхъ театрахъ: столичныхъ, провинціальныхъ и заграничныхъ.

Москва. Большая Дмитровка, домъ Солодовникова.

Редакторъ-Издатель *Θ. Д. ГРИДНИНЪ.*

(3—1)

რედაქტორ-გამომცემელი ა. ნებიერიძე

Дозв. Ценз. Тифл. 2-го Марта.

გრ. ჩარკვიანის სტამბა.